

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

V O D I Ć
ZA PRISTUP INFORMACIJAMA U
FEDERALNOM MINISTARSTVU ZDRAVSTVA

Sarajevo, februara 2010.godine

UVODNE NAPOMENE

Ovaj vodič je pripremljen kako bi pomogao podnosiocima zahtjeva za ostvarivanje prava u skladu sa Zakonom o slobodi pristupa informacijama u Federaciji Bosne i Hercegovine („Službene novine Federacije BiH“, broj: 32/01).

Popis dostupnih informacija u Federalnom ministarstvu zdravstvu (u daljnjem tekstu: Ministarstvo) naveden je u „Indeks registru informacija“.

Vodič, kao i „Indeks registar informacija“ su besplatni i dostupni u pisarnici Ministarstva, na web stranici (www.fmoh.gov.ba) i kod Stručnog savjetnika za odnose sa javnošću.

Sjedište Ministarstva je u Sarajevu, u ulici Titova broj 9.

Vodič pomaže u tome kako doći do željene informacije koja je u posjedu Ministarstva i pruža odgovore na pitanja:

- Kako dobiti traženu informaciju?
- Kako podnijeti zahtjev?
- Koliko ću čekati odgovor?
- Kome se mogu žaliti?

Za sva dodatna pitanja, možete se obratiti Stručnom savjetniku za odnose sa javnošću.

Nadamo se da će vam ovaj vodič pomoći da lakše i jednostavnije ostvarite svoja prava!

PRAVO NA PRISTUP INFORMACIJAMA

U skladu sa Zakonom o slobodi pristupa informacijama u Federaciji Bosne i Hercegovine (U daljem tekstu: Zakon), svako fizičko i pravno lice ima pravo pristupa informacijama koje su u posjedu Ministarstva, osim izuzetaka, kada određene informacije mogu biti izuzete od objavljivanja u skladu sa navedenim Zakonom.

Utvrđivanje izuzetaka

Izuzeci se, u skladu sa Zakonom, mogu utvrditi u sljedećim slučajevima:

1. Izuzetak u vezi sa djelokrugom rada Ministarstva (interesi obrane i sigurnosti, kao i zaštita javne sigurnosti; sprječavanje kriminala i otkrivanje kriminala; zaštita postupka donošenja odluka u Ministarstvu, uključujući davanje mišljenja, savjeta ili preporuka, s tim da to ne obuhvata činjenične, statističke, naučne ili tehničke informacije) i to samo u slučaju kada Ministarstvo, utvrdi da se saopštavanjem informacije osnovano može očekivati izazivanje značajne štete za legitimne ciljeve Federacije (član 6. Zakona);

2. Izuzetak u vezi sa povjerljivim komercijalnim informacijama. U tom slučaju, Ministarstvo je dužno bez odlaganja obavijestiti treću stranu o pojedinostima zahtjeva i upozoriti je da će tražena informacija biti saopštena, ukoliko u roku od 15 dana ne obavijesti Ministarstvo da je informacija povjerljiva i navede razloge zbog kojih bi njenim saopštavanjem mogla nastupiti šteta. (član 7. Zakona);
3. Izuzetak kod zaštite privatnosti. Ministarstvo će odbiti saopštavanje informacije, ako osnovano utvrdi da informacija uključuje lične interese koji se odnose na privatnost treće osobe. (član 8. Zakona).

Ministarstvo može u potpunosti ili djelimično saopštiti traženu informaciju bez obzira na utvrđeni izuzetak, ali samo u slučajevima kada je to opravdano javnim interesom, a što je regulisano članom 9. Zakona.

PODNOŠENJE ZAHTJEVA

Zahtjev za pristup informacijama se dostavlja u pisanoj formi na jednom od službenih jezika u Federaciji Bosne i Hercegovine.

Zahtjev za pristup informacijama mora sadržavati:

- Ime i prezime, kao i adresu podnosioca zahtjeva. Ako je moguće, treba unijeti i kontakt telefon, na koji se podnosilac zahtjeva može kontaktirati u toku radnog vremena,
- Naziv organa kojemu se upućuje zahtjev, kao i naznaku da se upućuje službeniku za informisanje,
- Dovoljno podataka o prirodi i sadržaju tražene informacije.

Ukoliko se zahtjeva lična informacija, zahtjev može podnijeti isključivo osoba na koju se informacija odnosi, njen zakonski zastupnik ili opunomoćenik. Osoba koja podnosi zahtjev i na koju se zahtijevana informacija odnosi dužna je Stručnom savjetniku za odnose sa javnošću Ministarstva predočiti ličnu kartu ili drugu ličnu ispravu sa fotografijom. Ukoliko zahtjev podnosi zakonski zastupnik ili opunomoćenik uz zahtjev je potrebno priložiti i dokaz o zakonskom zastupanju, odnosno punomoć, te svojeručno potpisati zahtjev i predočiti ličnu kartu ili drugu ličnu ispravu sa fotografijom, kao i kopiju lične karte podnosioca zahtjeva.

Ukoliko Vaš pismeni zahtjev ne ispunjava jedan od navedenih formalnih uvjeta, Ministarstvo će Vas o tome obavijestiti rješenjem, ukoliko ste u zahtjevu naveli adresu prebivališta ili boravišta.

OBRAZAC ZAHTJEVA U PISANOJ FORMI

(Ime i prezime)

(adresa)

(kontakt-telefon / e-mail)

FEDERALNO MINISTARSTVO ZDRAVSTVA

Ul. Titova broj 9

71 000 Sarajevo

n/r Stručnog savjetnika za odnose sa javnošću

PREDMET: Zahtjev za pristup informacijama

Na osnovu Zakona o slobodi pristupa informacijama u Federaciji Bosne i Hercegovine, molim da mi omogućite pristup informaciji:

(navesti sadržaj tražene informacije i opisati ih sa što više detalja)

Molim vas da mi traženu informaciju dostavite u ____ (broj) kopija. Ukoliko je riječ o informaciji koja je veća od 10 stranica standardnog formata (A4), molim vas da me o tome obavijestite, kao i o iznosu naknade za njeno umnožavanje.

S poštovanjem,

Datum: _____

Podnosilac zahtjeva

POSTUPAK I VREMENSKI ROKOVI ZA OBRADU ZAHTJEVA

Ukoliko se utvrdi da zahtjev nije potpun, Ministarstvo je o tome dužno obavijestiti podnosioca zahtjeva, najkasnije 8 dana od dana prijema zahtjeva, ukoliko je navedena adresa prebivališta ili boravišta podnosioca.

Ukoliko Ministarstvo primi zahtjev za pristup informaciji koja nije u njegovoj nadležnosti, dužno je zahtjev proslijediti nadležnom javnom organu ili instituciji najkasnije 8 dana od dana prijema zahtjeva, o čemu mora pismeno obavijestiti podnosioca zahtjeva.

Ukoliko Ministarstvo odbije zahtjev i uskrati pristup traženoj informaciji u cijelosti ili djelomično, mora podnosioca zahtjeva o tome obavijestiti rješenjem u roku od 15 dana od dana prijema zahtjeva, navodeći zakonski osnov za status izuzeća informacije u smislu ovog zakona, imajući u vidu i faktor javnog interesa. Ministarstvo je dužno podnosioca zahtjeva obavijestiti o pravnim lijekovima, te pouku o pravu obraćanja nadležnoj instituciji Ombudsmena.

POSTUPANJE PO KOMPLETNOM PISMENOM ZAHTJEVU

Kada Ministarstvo odobri pristup traženoj informaciji, rješenjem obavještava podnosioca zahtjeva o mogućnosti ličnog pristupa informaciji u prostorijama Ministarstva, ili će traženu informaciju dostaviti pismeno, ukoliko ne prelazi deset standardnih stranica A4 formata.

Ukoliko je riječ o informaciji koja prelazi navedeni broj stranica, Ministarstvo će podnosioca zahtjeva obavijestiti o mogućnostima umnožavanja i iznosu naknade za umnožavanje informacije, te će ista biti dostupna nakon podnošenja dokaza o izvršenoj uplati.

Na podneseni zahtjev, rješenje, kao i na standardnu veličinu (A4) fotokopija, za prvih deset stranica tražene informacije se ne naplaćuje naknada, a za svaku narednu stranicu naknada iznosi 0,50 KM. Ukoliko je riječ o informaciji koja je dostupna u elektronskom obliku, Ministarstvo će podnosioca zahtjeva obavijestiti o mogućnostima preuzimanja i iznosu naknade (5,00 KM po disketi ili disku), te isti ustupiti podnosiocu zahtjeva nakon podnošenja dokaza o izvršenoj uplati.

Broj: 01-37-1165/10
17. februara 2010.godine
S a r a j e v o

MINISTAR
Prim.dr.sci Safet Omerović

FEDERALNO MINISTARSTVO ZDRAVSTVA

INDEKS REGISTAR INFORMACIJA KOJE SU POD KONTROLOM FEDERALNOG MINISTARSTVA ZDRAVSTVA

UVODNE NAPOMENE

U indeksu registru navedene su informacije koje su pod kontrolom Federalnog ministarstva zdravstva (u daljnjem tekstu: Ministarstvo) i u kojem su obliku su dostupne u skladu sa Zakonom o slobodi pristupa informacijama u Federaciji Bosne i Hercegovine i Vodičem za pristup informacijama.

VRSTE INFORMACIJA KOJE SU POD KONTROLOM FEDERALNOG MINISTARSTVA ZDRAVSTVA:

- Odluke i drugi akti koje Ministarstvo donosi u vršenju svoje nadležnosti,
- Provođenje politike i strategije zdravstva u cjelini,
- Razvoj i unapređenje sistema zdravstvene zaštite i zdravstvenog osiguranja,
- Praćenje i provođenje federalnih zakona u oblasti zdravstva,
- Izrada programa razvoja zdravstvene djelatnosti, te donošenja planova programa i mjera zdravstvene zaštite,
- Međuentitetska i međukantonalna saradnja u oblasti zdravstva,
- Koordiniranje i implementiranje projekata u oblasti zdravstva od značaja za Federaciju Bosne i Hercegovine

Vodič za pristup informacijama u Ministarstvu, kao i „Indeks registar informacija“ su besplatni i dostupni u pisarnici Ministarstva, na web stranici (www.fmoh.gov.ba) i kod Stručnog savjetnika za odnose sa javnošću.